

" أؤمن بكلمتك "

ترتيلة الدخول: نورك بيضوي علينا

يدخل 4 طلاب يحملون :

1- اليدين (ترمز ان إلى الله الأب) ويقول حاملها : من كلمة الإنجيل عرفناك بيّ بيحبنا، بيهتمّ فينا، بيحمينا وبيرعانا يردّد الجميع : يا بيّنا السماوي نحنا منوثق فيك.

2- صليب أو قلب (وترمز ان إلى الابن يسوع) ويقول حاملها: من كلمة الإنجيل عرفناك ابن محبّ وصلتك محبتك لتتجسد تصير إنسان وبموتك وقيامتك تخلصنا. يردّد الجميع: يا ابن الله الوحيد نحنا منصدقك.

3- قنديل مُضاء أو شعلة الروح (يرمز إلى الروح القدس) ويقول حاملها : من كلمة الإنجيل عرفناك شعلة نور وحبّ ضوّت قلوب الرسل وعقولن، فبشّروا بكلمة الله وكتبوا، يردّد الجميع : يا روح القدس نحنا متأكّدين من عملك بالكنيسة

4- صورة معموديّة (رمز الكنيسة) ويقول حاملها: من كلمة الإنجيل عرفنا إنّو كلّ اللي آمنوا بالقيامة وبشّروا فيا تعمّدوا: يا كلّ الجماعة الحاضرة المعمّدة تعوا نعلن ايماننا ونجدّد معموديتنا.

المحتفل: الإلتفات صوب الغرب: منرفض كلّ الشرّوتعاليمو

الإلتفات صوب الشرق: منأمن فيك يا الله الخالق، يا يسوع المخلص، يا روح القدس المحيي، منأمن بكنيستك اللي حاملي كلمتك، منأمن بالمعموديّة اللي بتخلينا نشهد لهاالكلمة، منأمن بالحياة الأبدية معك.

الجميع : I BELIEVE IN GOD OUR FATHER, I BELIEVE IN CHRIST THE SON, I BELIEVE IN THE

HOLY SPIRIT, OUR GOD IS THREE IN ONE, I BELIEVE IN THE RESURRECTION, THAT WE

WILL RISE AGAIN, FOR I BELIEVE IN THE NAME OF JESUS. (priere gestuelle)

المحتفل : المجد للأب والابن والروح القدس من الآن وإلى الأبد .

الجماعة : أمين .

المحتفل : المجد لإلك يا يسوع ، يا كلمة الله المتجسد ، إنت الإله اللي صرت إنسان وبهالزمن، زمن النور قبلت المعموديّة وانطلقت تبشّر بملكوت الله وتغفر الخطايا وتشفى النفوس والأجساد. تطّلع بكلّ ولد من ولادنا رح يستلم انجيلك اليوم، خليّا كلماتك تكون نور طريقن، وحياة تعطي معنى لحياتن، عطين شجاعة يوحنا المعمدان يعيشوا هالكلمة لتكبر إنت فين، ويصير كلّ واحد شاهد حقيقي حاملا لكلّ مين بيلتقي فيه بقوة روح القدس روح القوّة والفهم اللي منطلبو هلق حتّى ينور عقولنا ويفتح قلوبنا لنصغي إلا.

(وقوف وترنيم) كلمتك مصباحٌ لخطايّ ونورٌ لسبيلي ...

قراءة إنجيل حول الإيمان... حبة الخردل، الأعمى... حول وصيّة يسوع

كلمة الله بصدقًا، بقلبي بسمعا، بحياتي بعمل فيا وللعالم كلّو بخبرًا.

يدعو المحتفل الطلاب، في سياق العظة، إلى تخصيص زاوية في البيت أو الغرفة يوضّع فيها الإنجيل ويُقرأ كلّ مساءً مع الأهل.

يبارك المحتفل الأناجيل، ويتوجّه إلى المشاركين في الإحتفال قائلاً: مستعدّين تحملوا هالبشرى؟
الطلاب: نعم يا أبانا، بنعمة الأب، وبمحبّة الإبن وبقوّة الروح القدس نحنا مستعدّين.
قبل ما تتسلّموا الإنجيل طهّروا أيديكن بالبخور لتكون ريحتكن بالعالم مثل ريحة البخور.
ويتمّ توزيعها على أنغام التراتيل. كلّ طالب يتسلّم الإنجيل يقبّله، يضمُّه إلى قلبه ويعود إلى مكانه.
وعد الطلاب وشكرهم للربّ :

يرفع الطلاب أناجيلهم عاليًا مردّدين : "منشرك يا الله الأب على أمانتك اللي لمسناها بكلمتك الباقية للأبد،
منشرك يا يسوع لأنّك كنت الأمين عشت الكلمة اللي بشرت فيا: المحبّة وتركتلنا ياها وصيّة، منشرك يا روح
القدس لأنّك بتساعدنا نفهم الكلمة، نأمن فيا ونعيشا.منوعدك نحافظ عها الأمانة، نقريا ليل نهار، نعمل فيا
ونحملا لإخوتنا بحياتنا معن.

المحتفل: هلّق من بعد ما أخذتوا الإنجيل نور لحياتكن روحوا واعلنوا البشرى السارة.

البركة الختاميّة

خروج على أنغام ترتيلة الختام